

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ.

Orthodoxorum Medicorum Patrono.

QUÆSTIO MEDICA

CARDINALITIIS DISPUTATIONIBUS

*manè discuienda in Scholis Medicorum, die Martis tertîa mensis**Aprilis, anno Domini M. DCC. LXXXVII.*M. STEPHANO GROSSIN DUHAUME, Pathologiæ Professore,
Doctore Medico, Præfide.*An lactatio materna, quandoque impossibilis, aut noxia?*

I.

NATURA, eximiis formæ dotibus cumulando mulierem, simul & ipsi, egregium foetus in utero fovendi proprioque sanguine nutriendi munus imposuit. Vix conscia sibi puellæ, en nova orditur vita; vividiori luce micant oculi, novi nascuntur in mente sensus, novi oriuntur in corpore motus, roseo colore sese induunt genæ, fororiantur mammæ, & reliqua sese produnt maternæ foecunditatis signa, sacro mysterio contegenda. Nec mora, nec requies, fertur in amplexus mutuos, & jam in utero novum ens existit, crescit, illius fit domus angustior, ampliori domicilio, alteroque vivendi more indiget. Novem verò elapsis mensibus functus suo munere, foetum expellere conatur uterus, superatisque repetito nisu angustis, novus in lucem homo erumpit. At nondum subimetipsi sufficere capax, citò periturus infans, nisi illius curam denuò susciperet sollicita mater. Tunc rerum alter ordo nascitur: uberrimum provida tenello infanti vitæ fontem parat natura, omnis in liquorem nutritivum (lacteum dictum) quasi resolvitur sanguis, replentur mammæ, turgescunt, dolent, lac effugium querit, pabulum ipsi à naturâ destinatum crebris vagiibus exposulat infans, porrectum avido ore arripit sinum, teneris premit labiis, & repetitâ suctione vialis indefinente filo fluit liquor. O teneræ matris perdulce munus recens nato mammæ porrigere! quem ipsissima per novem menses fovère viscera. O ter, quaterque felicem! quam nec valetudo infirma, nec morum depravatio à tali munere deterruit. Quantâ enim voluptate perfunditur, caræ soboli porrigens ubera mater! illius amplificatur & quasi duplicatur vita; jam diem à die non separat somnus; irrequieta illum à palpebris acet sollicitudo; mille oscula, mille amplexus suo dat alumno, materno premit & fovet sinu. Interea crescit puer, tenellorum robur membrorum augetur, per-

ficiuntur sensus, objecta distinguit oculus, sonos aures percipiunt, genitricis vultum vocemque agnoscit alumnus.

Ediseitque puer risu cognoscere matrem.

Quid jucundius matri, quam arcere mala & sublevare dolores, quibus teneræ prolis jam fragilis undequaque circumdatur existentia. Quid oprabilius! qui primum alumni risum deprehendere. Quanto perfundi gaudio debeat! cum optato matris nomine primum se audit vocari. Procul à te, procul tot delicæ, tot voluptates, inhumana parens, quæ proprio infanti vitæ fontes recludere dignaris: altera tui pars alienis committitur manibus, in quibus amorem fascitium, emptamque sollicitudinem experietur, loco illius tam officiosæ, tam activæ sollicitudinis, quam in genitricis gremio reperiisset.

Omnes tamen non existimandum puerperas indiscriminatim, suo lacte alere posse aut debere progeniem. Si quidem quàm plurimæ (atque imprimis in magnis civitatibus) reperiuntur foeminae, quas, aut res angusta domi, & domus angustior, aut debilis & infirma valetudo, aut etiam morbus acquisitus congenitusve impediunt, quo minus illo munere, ut ut summè concupiscendo, fungi queant. Indè fit ut materna lactatio, ut ut naturæ voto congrua, quandoque tamen, impossibilis aut noxia evadat; quod nobis probandum incumbit.

I I.

PROPRIO lacte ad alendam prolem à naturâ comparata mulier, duobus in pectore positis decoratur mammis, non solum ad tormæ elegantiam, sed & ad usus maximos in infantis gratiam destinatis. In utero succis separatis à sanguine nutritur foetus. Hoc ipso tempore mammæ, ad nutritionem infantis in lucem editi dicatæ, jam turgent & aliquandò lac stillant. At biduo vel triduo à partu insignitè suo munere defuncturæ intumescunt; in lac tota videtur sese resolvere œconomia animalis. Puerperæ autem quibus sanitas firma fortem arguit constitutionem; quibus omnes rectè & perfectè functiones peraguntur, quibus humores puri, corporis conformatio nullâ ægritudine debilitata, animus placidus nullâ exagitatus cupidine. Illæ inquam, matres, mammæ proli præbeant: Naturæ tunc imperantis votum exequuntur, novo homini cui mox vitam dedit, longum & à langoribus & morbis ferè expers ævum præstant; imminentem verò à semetipsis avertunt morborum cohortem, quibus certè se subducere nequirent, nisi naturæ distanti obediens, hoc munere defungerentur. Lac etenim à naturâ separatum, tantà vi, tamque vivo impetu irruit ad mammas, ut nisi evacuetur lactione, aut aptatis avertatur & extingatur medicamentis, sanguini remixtum, graviora jamjam suscitet & promoveat symptomata. Quot quidem à sano recedentes naturæ consilio puerperæ, matrisque munia abolvere reculant, diris diuturnisque doloribus, & nullâ ferè superandis arte morbis excruciant, culpæ poenam huius? Quæ verò se ad hoc munus accingunt, totam illius dignitatem & amplitudinem prius perpendant. Sese hominum substrahant amplexibus voluptatibus, delicisque mundi valè dicant, atque in totum se tradant alumno, totâ namque suâ parente indiget puer. Tot sollicitudines, tot vigilæ, tot privationes, abundè sanè compensabuntur, quando crescentem suo in gremio atque invalescentem puerum contento animo contemplabitur genitrix.

I I I.

OMNIBUS verò non licet puerperis tantum & tam arduum suscipere munus; non datur omnibus, adire Corinthiam. Plurimæ siquidem tam infirmæ valetudine, tam imbecilli corporis constitutione donantur, ut nonnisi inter langores, maturos partus perferre queant; nedum spirantem proprio lacte

3

nutrire valeant infantem. Illud præcipue in populosis reperitur civitatibus; ubi tot agentes indefinenter & renascentes causæ, ad vitiandam, infirmandanque hominum sanitatem simul concurrunt. Hinc miasmatis putridis inquinatus aer, morborum cujuscunque generis semina in sanguinem introducit: illinc humidus & non renovatus, solida relaxat, transpirationem turbat & intercipit; inde stagnatio & depravatio humorum, innumerabiliumque malorum fons & origo. Quid præterea, in corporis jam viciatâ constitutione, non producere valent, vigilæ diutius protrahæ, varia animi pathemata, ingens libidinum cohors, errores in victu, liquorum ardentium abusus, ac tandem venus immoderata? Ex parentibus tot causis continuo præsentibus obnoxii, valida benèque sana potest-ne gigni progenies? Hinc infirmi, imbecilles, ærumnis & infirmitatibus circumdati, tantam malorum catervam vix superaturi, & plerique è videntium albo jam evoluturi, infantes procreantur. Superflues verò, non nisi inter dolores & morbos attingunt tempus, quo in œconomia animali, magnum, præsertim in puellis, opus natura meditatur; quot enim in orcum præcipientes ruunt, priusquam ad novæ hominum progeniei reproductionem evadant idoneæ? Nihil tamen sui juris amittere vult natura. Omnes licet œconomiz animalis functiones penitus pervertantur, licet constitutio quam maximè imbecillis sit; jam conceptione peractâ, in utero novi hominis germen fovet futura mater. Ad evolutionem & lætæ incrementum, vita quasi videtur illam deferere. En lividus faciei pallor, cardialgiæ, langores, nausææ, lipothimæ, vomitus, virium exolutio, totius œconomiz animalis perversio, ita ut tota in utero vita concentrari videatur. At dies optata lucet, novimestre expellitur onus, jam vitales auras carpsit infans, & novò indiget pabulo. Amore verò incensa materno, ne mammas porrigendò proli, munus matris diutius præstare tentet, omnium infirmitatum graviditatem concomitantium sit memor; sibi quàm maximè suadeat prolem genuisse, majus viribus suis fuisse opus. Nimium felix, quod novo homini vitam impertiendo vitam ipsa non amiserit. Nutricis equidem officio defungi non valet, nisi ineluctabili, nullo cum alumni emolumento, neci se lubenter devoteat. Sic arbor ex immaturo aut vitiatò semine in arida prævaque indolis terrâ inserto, parvum sumit incrementum, exiliiores ramos, pallecentesque frondes fundit; tamen sese induit floribus, in fructus nunquam ad maturitatem tituros jam crescentibus; ac nisi peritissimus cultor majorem florum copiam rescinderit, ingenti sub fructuum numero brevi peritura.

I V.

SI quandoque puerperis charæ soboli ubera admovere minimè conducat, ut ex supra allatis abundè appareat; sunt & etiam infantes nonnulli quibus alieno lacte quàm materno ali talubrius. Lactario enim, si fas ita loqui, nihil aliud est, quàm continuata gestatio; lac, veluti succi, quos foetus in utero inclusus suscipit, seceratur in sanguine, & huius morbosus, noxiaque alumno communicandas retinet qualitates. Si, vel bi grana, semen masculinum, aut sanguis matris viri serophiluloso, syphilitico, tabido ve inquinentur, ceriè labem originalem infortunatæ proli communicabunt. Quod si tunc à matre lactetur infans, pravæ crasis invalescent: ingenta semina, & nisi lactatio aliena vitium cum aurâ feminali susceptum commendaverit, miseram & multis infirmitatibus obnoxiam vitam trahet, aut potius tot æri monas, morbotque sustinere impar, præmaturâ nocte luci eripietur. Sed è gremio matris illic removeatur tabicus infans, & alium, sincerum inquam, & nullâ labe inquinatum lac suppeditetur, vaccinum imprimis, caprini ve, tunc lentum ac sensim debilitas ac vicia primæ constitutionis, emendata evanescent, regeneratur sanguis; & novâ quasi adaptâ viâ, primæ gem-

trix vix quid retinens, omnia gestationis incommoda mox compenſaturus iua-
leſcit. Haud ſecus arbor, è terrâ, in quâ primum inferta fuerit jam pravy & non
ſufficientes ſuccos accipiens, brevi peritura langueſcit; in aliam verò pinguio-
rem & melioris ingenii tranſlata terram, altas figit radices, ſefe corroborat, viridique
ſub umbrâ, Solis ab ardentibus radiis cultorem deſcendit.

V.

AT, inquit, noli à naturæ normâ recedere mater: te ad prolem proprio
lacſe alendam conſtituit. A te vitam accepit, à proprio tuo ſanguine prima
vitæ incrementa; in lucem ed- ta, rurſus à te incrementum accipiat. Nihil inu-
tile, nihil inconſultè prudens agit natura; ſi concipere potuerit, & in lucem
føtum edere mulier; poterit & illum ſuo lacſe nutrire. Exemplo ſint anima-
lia; quodcumque enim mammis donatum, ſuos alit catulos. Rectè quidem; illis
aſſentiar; ſi homines vim & robur, quibus primi generis humani parentes gaud-
ebant, ſervarent; at quantum ab iſtâ antiquâ conſtitutione degeneraſſe videtur gens
humana! Sunt-ne tales noſtri avi mulieres, quales à naturâ primò conſtitutæ?
Plurimæ contrâ, morboſas inter affectiones continuo vitam ducunt; ad potiùs
tota illorum vita nihil aliud eſt quàm perpetua agritudo. Iſtæ tamen concipiunt;
geſtatio, quæ aliis funcſio naturalis eſt & ad ſanitatem conſert, illis per novem
menſes, ſi maturum partum obtineant, vix interrupta fit dolorum ſeries. Partu
abſoluto, lac non aſſurgit ad mammæ, vel minimâ copiâ, ita ut niſi aliena accer-
ſeretur nutritrix, aut ni præſto foret lacſtatio animalis, protinùs infans periret. Quot
huiuſce rei dantur exempla? fieri quoque poteſt, ut, licet infirmiori valetudine
donata ſit puerpera, in illius mammis ſufficiens lacſtis copia, ad prolem alendam
ſecernatur: at vix incœptâ lacſtatione, dum creſcit & invaleſcit puer, matris vires
debilitantur, pejor ac pejor evadit valetudo, & niſi à ſinu removeatur alumnus,
maximum matri vitæ periculum imminet.

Noſtræ verò ſententiæ minimè adverſatur, exemplum animalium allatum. Cau-
ſis non iſdem obnoxia ſunt animalia, quibus homines; non tantum à ſtatu natu-
rali recedunt. Attamen ſunt & animalia quibus læ non ſuppeditant mammæ,
ita ut ſuos catulos lacſare nequeant. Fortè obijciat aliquis: nullum datur certè
alimentum, infantis conſtitutioni & humoribus accommodatum & analogum
magis, quàm lac maternum. Hoc quidem verum; niſi ſanguis maternus, aliquo ut
jam diximus, inquinaretur vitio. Præterea, quàm multæ mulieres, tantâ nervo-
rum mobilitate & ſenſibilitate donantur, ut à minimâ cauſâ, leviffimo ſcilicet
iræ motu, inani terrore, parvo ſuſcepto frigore, omnis pervertatur œconomia
animalis. Tunc alimentorum perturbatur digeſtio, ſecretiones confunduntur, malè
conſcitur chylus, lac pravæ indolis ſecernitur. Hinc febris, hinc alumno tor-
mina, alvi profluviùm, diræ convuſiones. Quot etenim infantes, licet à matre
lacſtati, languent & in dies ſiunt debiliores; alienæ verò nutritrici committantur,
brevi tempore corroborantur & invaleſcunt?

Ergo lacſtatio materna, quandoquè impoſſibilis, aut noxia.

Proponebat Pariſiſ JACOBUS-AMEROSIUS LAUBRY, Rhemus, Doct̃or Medicus
Rhemenſis, nec-non Saluberrimæ Facultatis Medicinæ Pariſienſis Baccalaureus,
Theſeos Auctor.

A. R. S. H. 1787. AB OCTAVA AD MERIDIEM.

Typis QUILLAV, Univerſitatis & Facultatis Medicinæ Typographi,
viâ diſtâ du Fouarre, 1787.